

# ZRZESZ KASZĘBSKŌ

CZĄDNIK  
KASZĘBSKICH ZAJMOV



V MJONO BOSKJI  
NORODNI VZENJIK

Vedovajaci i redaktor wõdpowiedzalni:  
IGNACY SZUTENBERG — GDYNIA  
ul. Swiętojańska 16.

„Zrzesz Kaszëbskŏ” wëchodŏ 1 roz v mjesaci. Przedplacnŏ je rocznje 3.50 zł; kwartalnje 0.90 zł. Czãdk 30 gr.

NR 4

KARTUZE ŁĘKVIAT 1937

ROK V

## ORMUZDOVŌ SKRA

Momë do zanotowanjŏ wuchvatlevë zrozmjenjé deji ksążkji „Żęcë i przigode Remusa” v korespondenciji do nas, chterną v całoscë podovomë, jakno czekavi vspomjink, na chteren Czetińcom wskazivomë. Wod postëpnych sę mesli vstrzimajemë, bo całosc dobetno sama za se movji. Red,

Beło to zeszligo roku v zemje, jak jem dostŏł wod swojigo pŏlbrata, co je na vënekanjim i jak go zvją „vanogą”, ksążkę „Żęcë i przigode Remusa”. Pjisŏł ten vanoga mje ju przedtim, że ta ksążka baro je powuczajaco i le decht pjisano po kaszëbsku. A jŏ so mesłŏł: cëż v nji decht może bëc takjigo dobrigo, a kjej brifka mje ję przënjŏ, to ją tak wobezdrzŏł i pomesłŏł: ko jŏ, ksążka je ksążka, a po kaszëbsku je też pjisano. Anji mje nje chcëło, żebe ją czetac. Położŏł jem ją na stronë, tam so pore dnji leżała i też nji mog jem po kaszëbsku czetac, bo sę tego nigdzie nje wuczŏł. Provdą, że gadac mogë, bŏ sę na Kaszëbach wurŏdzel i wuros i też tu chcë wumrzic jak moji starce, ale czetac ë pjisac nji mog dobrze. Vanoga do mje pjisŏł vjedno po kaszëbsku, a mje decht mjerzało, kj j mjoł wõdpjisac po kaszëbsku, bo jem nji mog — pjisŏł jem zvezcnje pŏł z polska, pŏł po kaszëbsku — co bëło smjehoviszczem, jak kŏždŏ njedovarzonŏ rzecz.

V nen czas v stidzël sę jem kask kaszëbskji movë i godŏł tu v Vejrovje z jinszima cëzą movą, bo nje vjedzŏł, co znaczą Kaszëbji, czim më przode belë, a czim dzis jesmë; jŏ mesłŏł, że Kaszëbji vjedno belë tim slednim ledë.

Ale kjej vzął jem roz „Remusa” do rëkji i zaczął czetac — choc to szło kask drëgo, to sę dovjedzŏł, czim won bel, co dlo naji wojczëznë robjël,

jak z ną swoją karą, na cht rni mjoł kaszëbskjë ksążkji ë pjesnjokji, karovŏł po vszetczech wodpustach, jarmarkach i navet po nech gorach kalvarejskich tu v Vejrovje sę mordovŏł, żebe naszimu ledu dac „vjid” i „mj cë” przez czetanjë jëgo kaszëbskich ksążk.

Takŏ to jëgo mesl ë wudba belä. A co vëcerpjŏł ten bjedri Remus wu nego gbura Zabłockjigo na Lipskich Pustkach, co won mjoł za rozmajiti sne i vjidzenja z ną zaklętą krolevjonką, zapodłim zomkę, a cëż mjoł za meszlenja z nim mjeczë, co go naloz na zomkovjiszczu i dŏł krolevjoncë!

Choc be mje chto dva raze godŏł, że tam teli dobrigo je v ti ksążce, to hem nje vjerzël, jak som sę doznoł i kjej ję som czetŏł. Kjej czasë vjeczor przëszlë do mje jinszji knopi, tosmë razë czetelë i sę dzevovelë ti ksążce, co v nji je dobrigo dlo naji Kaszëbov, choc tak na pozdrzatk nje vëdzrzi dobrze.

„Wupadnac może norŏd poczestni, zgjinac leno njiveczni” (Mickiewicz). Je to provdac v se mjilné. Le o romantik mog sę aż tak poznac na chlezdżë politikji i diplomacëji. Abo chdżëz je poczestnjeszi norŏd wod Rzëmjan? A nje zgjinëlë? Cëż nje są norode v Azeji, co mjałë ju zacht tesaci lat, kjej Rzëmjanov jesz nje bëło, a dzis jesz bavją, chŏci svjat njic nje vje wo dobetnich poczestnoscë?...

A jednak: zgodzec sę na zgjinëcë może le — njiveczni!

V.

Novożnjeszë bëło, co më sę dovjedzelë, jak i Remus sę dovjedzŏł, wo robotach Ormuzda i Smëtka v dziejach kaszëbskich. Serce ve mje zdrëżało, a krev zacza robjic jak voda v stredze po vjelgim deszczu, jak jem czetŏł, jak pon Jozef pokozŏł Remusovji

vizerunk naszigo kraju (!) i rzek:

Te dwa krąconé czorné drogji, co jidą z poľnô ku nocé, to dvje vjelgje rzekji: na vschodze slůńca Vjisła, na zochodze Wodra. Tam, chdze Vjisła bježi v morze, mosz Gduńsk; tam, chdze Wodra, mosz Szczečeno. Zdrzē, jak linijô morzigo podbjegô tē-pim klinem do wuscô Wodrē i boczē, że przeszedzē rzekę tē na levi brzeg, vjedno jesz stojisz na doŋni zemji kaszebskji. Bo wora sę cgnje pō gorach boi-teckjich, jaž bezmała tēde, chdze stoi Berlin, stoleca Niemcov i mjasto Rostoka, njedalek morza. Wod poľnô sznur Vartē i Notecē, jaž do kolana Vjislē przē Fordonje a wod nocē morze: to starodovné granice naszj zemji kaszebskji. Na poľnjē zemja sę z nią łączy polskô, z chterną, volą ksążąt najich i narodu, jedną tworzelasmē rzeczpospolitą. Takji vjolgji beł nasz krôj i vjele v njim żeło ledu i panov i ksążęta vlosni njimi rządzelē.

— A dzis co momē?

— Teli nom wostało z doŋni chwałē. — Tego jesz njigde v svojim žēcim nje czeł, że krôj nasz beł takji vjelgji ē bogati. Noserdiecz-njeszē dzēkji slę v. Aleksandrovi Majkovskijmu za vėpuszczeniē tego belnigo ptoszka, co je budzicelę najech spjacech braci, co nje vjedzą jesz tego, że je ju ze spjiku czas vstac i zdrzecec ze sebję cezezne. Ve vjele gvesno checzach Kaszebov leži ta belnô ksążka zarzuconô? Nobolesnjeszē je to, że vjele Kaszebov sę jesz dzis vstedzi movē i vjarē naszech starkov, choc vjedzą, czym Kaszebjj bełē przode; ale wo tech nje je vort vspomjinac.

Kochani bracô! Chto mō jesz kask kaszebskijgo ducha i mō tē ksążkę wo „Remusu”, a ję jesz nje czeł, to njech veznje ją do rękji a przeczeto z vjolgą wuvogą. Napevno sę v njim wodmjenji dotechczasovô njedbałosc wo svoję wojczeznē i napevno rzeknje: stokratnô dzēka v. Majkovskijmu za napjisanjē ti ksążkji!

Kožderni, chto tē ksążkę przeczetô, znaleze v nji teli vjidu, że rzeknje:

— Chcē vėbavjic zapadli zomk!

— Chcē przenjesc krolevjonkę przez głēboką vodę!

— Będę skrą Ormuzdovą!!!

Je v nji teli dobri nowukji dlo „spjacech” Kaszebov, że kožderni zrozmeje, że czas ju chvecac za „mjecz” i połączec sę z braci, co stoją ju na drodze, chterna provadzi do wodrodē i volnosć ē ducha Kaszebov. Noveższy je ju czas, żebe zgjinēlē z naji zemji ti, co szkodzą nom movą i ręką.

Njejednen Kaszeba, co stanął v pierszim rzędze na drodze wo wodrodę, przezeł vjelgą ponjevjerkę, a njejednen bivô na vėgnanjim. Wo tech dzirżkijch Kaszebach njech njicht nje zabo-

c z i z braci v svoji modletvje, żebe Bog Nosvjętszi błogosłavjeł jima v postępnj brzodovi roboce.

A přińdze czas, co dej Boże jak norechlij, że bądze teli skrov Ormuzdovech, jaž zbijją sę v płomiń szerokji nad grobama bohaterov naszich i społa sove i sępe. Tej vińdze z chwałą zapadli Zomk, a v njim sadnje na tronje Zaklētō Krolevjonka.

Slę zdovas vszetkijm Kaszebov, co są na vėnekanjim za sprave naji. Stokratni Bog zapłac tim, co przēczinjele sę do tego, że najô kochanô „Zrzesz” znovu vėchodô.

Franc Bieszk

Vanoga

## Wo poezejj leterackji gvarovni ē ledovi

Je zmiłką wuvożac, jakbe vjerzte njeleterackji vėmogalē mji kuńsztu i jakbe bełē czims slednjeszim. Njejedno vskozivô za tim, jiže je jednak procemno. Bo kjej trojni pjsarze vjedeją sę z dzelu, v chternim vjele momē cėchov regijonalnych, to baro mało przechodzi do gvarovni pjsanijō. Są to jistni wo baro vlosnim vseczēcim, njeroz wo dosc vjolgijm wuchvatlevim rozmje abo i universalnim. Czekavē je to, że czēsto dopjerze v pozdnych latach zmjenjają pjora leterackjē na njeleterackjē. Vskozivô to za tim, że trzeba vižavni kulturē dēcha, żebe vėleceć nad sferę leteracką: posvjēcac sę pjismjenimu regijalnimu. Dvaj vojcovje i mestrovje njemjeckji poezejj gvarovni: Voss i Hebel bełē nadto vjelgijma adoratorami poetov starech czasov, to znaczy ti poezejj, chterna mō noveższē i njedosiglē njigde vortosce formalnē. Pjsorz gvarovni muszi dobēc v žemkoscach formalnych i nevetka czēsto materjalnych, dokonac prōcē, chterni przed njim njicht nje dokonol. Nasz Cenova stvorzeł so dopjerze podstawē pjsanijō, pjserszig norządza pjsorza. Majkovskji muszoł podnjesc movę regijonalną do vižavē artiesteczni; dzel poetov z Vos Budziszę przednim wustalelē domocą prozodeję, to je zasadę vjerztovanijō movē kaszebskji. Dzel poetov z Labudą i Trēpczikę przednima stvorzelē jistno dlo se movę leteracką wo dobetnych cėchach svoj-szczach. Proces zindzenijō kaszebskijch dijalektov v jednę woglnokaszebską movę nji mog jesz duńc. Bo element rebackji, novożnjeszj bode, mō chdze mōl? Le że v A. Budziszu v Pucku skończoł nom nen kaszebskji pjsorz, chteren be sztrąd Belokov mog sparłeczec do artiesteczni literaturē kaszebskji. Poeta pjszaci nje leteracką movą (jęzekę), a vjic v varunkach barzij gorszech jak literat zvezni, muszi so zdovac spravę z jedni rzecze przode, kjej zgrovô dosignac do vortoscov nje przemijijajacech: mu zi bēc dobetno ledovim! Muszi sę wostovjac cili



v psechicē svojigo ledu, to znaczy v dejovi sferze tvorzec. Tę vjelgą wuczbę dovają nom Cenova i Majkovskji. Kjej bo Cenovje nje wudoł sę dokoż żęcigo dło tego, że straceł kontakt z kaszebskjm norodę, wo teli „Remus“ Majkovskjigo, cali z deszē naji kaszebskji zaczyti, je dokożem kuńsztu, co vjicij, vjolggjm dokożę nji mjącigo vkoł rovnigo sobje svjata kulture.

Ceż tede mō v se ledovosc? Njimo wostovjom kvesteję vestrzodnigo żęcō regijonalnigo, chterno je podstavą i żevjołem vszēdnigo tworzenjō domocigo. Są gvesno jistné rzecze, chternima lud sę wodrzinō wod człowjeka tak z vo nigo kulturalnigo. Je mu ceżō nacionalnota inteligenta. Trzeba pamjētac, że nacionalnota, to stvor dinasteczno-politecznigo mēslenjō. Nacionalnotą ledu, to jego vjara i zvekkji, rozmjeje sę — to jego kultura. Remus to dobetno robożni i Kaszeba je przez mjeletę svoji kaszebskji kulturē, ksążk, bojk i stron kaszebskji. Provdzevo vjolgą rzeczą je trafic do deszē ledu z takjima pesznima chorankama (Labudē i Trēpczika), jak „Gęsorka“ abo kołēde: „Bibi, bibi, Jezusku“, timczasę, kjej dzel „młodokaszebov“ (Vōs Budzisz) wostōł v sferze leterackji i inteligenckji, co dło kulturē ledu mō wogreńczoną vortosc. Je ta ledovosc też i nokładnjeszim kriterjē provdzevi vortosce artisteczni. Wob ten czas, kjej „historije leteraturē“ tworzą vjolgosce leterackji njeroz z vortosci politicznich, to lud je nobarżij bezpartijnim sędzą. Som Mickiewicz mjoł żeczbe, be sę dostac pod chceze — ale wostało to meszlenjim njesprovdzonim. Poeta kaszebskji mō nje vjele prōcē, bo naszimu ledovji ceżō je karma poeticznō i v szkole brzedzą mu movę rodną, starszą vjele vjicij wod movē polskji. Poeta kaszebskji trafi vjie na dobri gruńt vsezczecovi wu ledzi. A bogactvo naszi deszē kaszebskji je mało co jesz znanē.

Jinszi vożni momente poezji ledovi są v žeci ledu: Nasz lud je colemało bjedni. Chto mu vjie vęspjevō wo chlebye, głodze, cvjardim namjenjenju, zemje naleze chutceszē zrozmjenjē, njiz deją „mocarstvovą“ abo ledzema, chternih wopatrzność zesłała. Prosti lud mō dalij vjele zdrovigo smjechu. Smjech i żart, to je kino i radio i vanoženjē i vszēdnē wuceche żęcō „veższigo“. Kjej poeta vęczaruje smjeszka na skarnje nenkji — Kaszebkji (abo i lęż szczera!), to znaczy to vjicij dło kulturē kaszebskji, njiz kjej robji detonacejō vēsokjich i vożnych dejov. To samo je z motive wudbanjim młodech, robotē rolni, wucechē i smutku vszechnigo dnja. Norod sedzi po vsach v bjedze, tragice: mało vożnych rzeczach żęcō człowjeczigo, nje zna je „svjata dejov“ vjolggjich panov i mjiō go damjenjim. Njechterne chorankji gvarovné, a tak kuńsztovné, że veszlē v leteraturę svjata a i zaczyną sę tak novjicij:

## BOJKA KRIŁOVA

Przekaszubjił dr Aleksander Majkowski

### Vjilk i psarnjō

Vjilk, bēvszē wudbē, że v wovczarnji  
Zalożł do psarnji.

Wod razu tej sę psarnjō vscekła,  
Szarigo czujac krotko validrogę.

Do bjotkji rvje sę buten na vanogę  
I robji vjele pjekła.

Psarce vołają: Hej, złodzeje!

V mergnjenju zamklē sę vjerzeje.

Bjegają jedni z dębczokami

A drudze z rącznicami.

„Vjidu!“ — vrzeszczą. „Vjid!“ — Przēszlē z drzo-  
[zgami.

Vjilczk, zadkę v nort vkleszczoni, czamji,

Bleszczi zęboma, serschel jezi,

Z woczami, jakbe zagrezc, v koło bjeżi.

A vjidząc ters, że nje z wovcami grac,

Le trzeba mdze rechunk z njich zdac,

Dōł sę chitrzela za nje

V godanjē:

I rzecze: Bracō, pocuż je ten cali gvołt?

Tec jō vasz druch i krevni na ten sztołt.

V wubetkum przēszedł, nje żebe sę bjic,

Nolepji wumovę nom tero vzic,

Że nje mdę vjęcij wovce trupem klasc,

Le zęboma je bronjąc, dobrze pasc,

I przisęgą potvjerdzē, ledze, —

Że jō... Posłuchejke sąsedze! —

Lesni mu przervoł v odpovjedzē —

Tē stari a jō sevi,

Jō znaję noterę, co mō vjilk dzevi

I takjē je to pravo moje:

Z vjilkami jinaczi pōkoje

Nje robjic, leno scigac skorę!

— Z tim v njego /uszczoł pjeską sforę.

„Poszed jem sobje na wugor (wuszos)“

„Nad Redą są dva kochajacē“ (wo smjercē)

„Pōj, Anko, przez łączkę“ (mjelosnō)

„Vjistro zińdę doleną zeloną“ (wucecha)

„Panbog rzēk do zimku: bjej nakrij stoł dło  
roboczka...“ (religijino-eteczni)

„Vej le! Jakno ten pajik przidze“ (przędzē)

„V Lerbachu żem zgubiła streflę“ (wuceszno-  
mjilosnē)

Choranka ledovō, vjedovanjō artisteczniego mō vjolggi valore, mō vjecznē vortosce, cht-erneh podar-moka szukomē wu szerok znanich navetka poetov leterackjich: brezleje żęcim, provdzevotą, mō cha-rakter i direktivę moralną, je rozmjalnō i letkō dło dzeci navetka, je stoprocentovą poezją.

## Jastrovi zvone...

2]

A skovronk nopjervij zakręcoł polkręgę nad zemją i nogle, kjej vĕpuszczonô z lĕku z brzĕkę strzołką polecôł v vižavę z przerivanimi tonama, kjejbe przĕgrivkę do spjevĕ.

Zavjis!!!

Nogle, na spodle cemjistigo modru njeba, zło-tavą wobłani gornją, rozvonjoł pjesnjoczkę na czestnjĕ Stvorce, kjejbe z pocorka grajaci tone, co z vižavĕ v szemarze perlistech kropelk deszczu zdałĕ padac na zemję.

V bezpamjĕtnim zaspjĕvanjô chiżeł, vežij a vĕžij. Ju vjidzec go njima, le czĕc cedovną spjevę. Wurvoł na szterk, be zanocec terusku triumfu pjesnjocz-kę na tczĕ vstajaciĕgo z wumarlech Christusa.

Vej, Bracô, Sostrzece,  
Krol chvałĕ, naj Stvorca,  
Vstojô ze smjercĕ

Alleluja, Alleluja...

I szło jedno vjelgji triumfalné Alleluja...

Kuczka zazdrzali v njebjosa, kjej zarzekli, stojel zasłĕchani v cedovną spjevę božigo spjevka.

— Bje! — Kjej be mu njico do wucha szepło, jaż sĕ wobe zdrzoł.

Pozerajaci za skovronkę reszeł do jezora. Przĕ vĕlevanji zez czołna vodĕ pozeroł na jezoro. Tak mu sĕ dziso jakos nje chcało na vodę, a z dregji stronĕ mocenko cigło. Przĕboczeł so snjik svoji bjalkji. Vjĕdza v spjiku na Wostrovu plevjaci zark. Za žĕci nje chca go puscec dzis na vodę.

— Ale bježe, bjalko, a nje przecevej! Przĕ takji pogodżĕ? Sztrĕdivoł sĕ z nją. Takji jak won rebok, co na vodze belno zĕtjiska nje zgriz?

Vzdrigło go jednako, kjej pozerajaci na Wostrov przĕboczeł so nen snjik.

— Vnet bem ju nje jachoł! — Rozprovjoł som ze sobą spjichajacĕ z brzegu czołn.

— Dzis Vjolgô Njedzela! Ale jem przĕrzek, a ledze mdą ždelĕ! — Do koscoła pudĕ na vjolgji, bo ko pozdnji na wosmą mdę nazodka doma.

Vskoczoł na czołno, sod na łavje, plenął v gorsce i vĕkręcoł czołn na vodę. Jezoro stojacĕ v drzemce głada, jak v cedni bojce, reni svjat wodbjijało v ce-mnech zotorach. Kuczka vĕszturzeł v połnje na Podjaską Vodę, bo v Tobułce zastavjoni mjoł mrzeże. Czołn po cechech chizaci gładach, pchani letechnim, kjej pjoro vjosłĕ, muskajacim drzemjacĕ jezornĕ tonje, z podnjosłim dzobĕ, szlachovoł za stolmjastą z po-vjostkji szczeką, co nad vodą svojim przesleca sĕ chrzebtĕ.

Kuczka zazdrzali v jezorną dol, tak dalek beł meslama, że nje vjidzoł navetka gromadĕ ledzi, co

brzegama do vsĕ, do koscoła na zmartvjichvstanjĕ schodelĕ. — Won že leno jezorĕ. Pozerajacĕ to na Wostrov rozevjevajaci renną gornją, to na cemni v dole, v zamazanech jesz sztołtach v połnjĕ Gagovc, Kanję, Retk Płotkov, to v renku na Czervoną, Szczipjorskjin Kjerz, Łączni Rov, daleczko dalek beł meslama v knopjiczych latach. Vszetko to znoł, jak rodną checz. Nje beł moleka, gdzebe won na lu-botnim nje bivoł jezorze. Za knopa v lece calechni brzegji z vatką wobjogoł: Dĕbovka, Łączka, Eltka, Komora, Baba, Vozmin, vszetkji brzegji zvanožeł. V zemje zoz na lodze vĕdzivoł na Kuli, na Wurzmje, na Vichodach, na Gorach, na Hoku, a navetk ve Varnjicĕ... Nje! Dlo njego njick nje beł njeznanĕ na nech lubotnech vodach.

V takjich to meslach calechną won deszą za-zdrzoł sĕ v mjiłotną, jak snjik mjinjoną, snożą, kno-pjiczą slodĕ. I tak mu sĕ na deszĕ zrobjeło letko, tak jasno a beztrĕsko, jak na bezchmurnĕ jastrovĕ ienko.

Przĕboczeł sĕ soł je malinkjim knopjikĕ, kjej tak redzi slechoł tatkovĕch godk. Ve vjolggim lubjenjim mjoł tatĕ wo jezorze povjostkji, bo i won rebacką po wojcu provadzeł.

Całimi vječzorama wopovjodoł wo Wotasznicĕ, Gagovcu, Vadole. A kjej zacinoł wo zapadłim na Wostrovje zomcesku, to moli Franck, sedzaci na stołuszku wu tatka kolon, jaż chvitoł sĕ za nje, ze strachĕ pozerajacĕ po jizbje. Jak ževo stanĕło to mu terusku na pamjĕcĕ, kjejbe slechoł, jak tatĕ povjodoł:

— Pjervij na svjece, kjej naj tatczezna kaszebskô jesz sama stanovja wo se, tej na tim tu hevo Wo-strovje mjeszkoł jeden z naszech vjolggich kaszeb-skjich vastov. Stolmjasti zomk, dokoła wobłani jezornimi vodama, buszno v dalekji z Wostrova gorĕ pozeroł wokola.

Tam, gdze je dziso Łączka, z nądka provadzeł drevnjani na Wostrov most, chteren bivoł spoloni, kjej sĕ varg zbližoł. Dalek i szerok, jakle sig woķĕ, całimi mjiłama szłĕ gromjisti lase a bore, v chter-nech sĕ rojĕło wod dzekjigo zvjerza. Vastą nech wokolov beł nen bojorz z Wostrovu. Wom mjoł bardzo sposobną, ale buszną, młodą bjalkĕ, chterra sĕ rozmjiłova v svego chłopa młodim brace. Wu-mesła dlote chłopa svojigo zabjic, be z młodim sĕ woženjic. Kureszce wupjiłova wupragli szterk. Je-dnigo razu Vasta na Wostrovje vĕprovjoł vjolggĕ na mjedzvjedza jachte, na chterne i na bjalka spro-szonim tovarza bojarzom. Kjej sĕ ji chłop wod dregjich wodparłĕczel v gonjenjim za wuzdrzałim mjedzvjedzĕ, wona tajemno, chizaco za njim vĕpusca z lĕku do chłopa strzołkę i cĕłnim woķĕ przebjĕła pjers jego. Po merim mordarztvje tajemnimi do zomku chizo poneka stegnama, be nje vĕdało sĕ, že



wona go zabjeła. Njedługo po pogrzebje zaczęła często a gęsto balovac, be przetęppic semjenjé, co ji nje dało poku. Tej v ne strone przėszała tu vjédzô, że na księżci do Gduńska dwor przėbeł vjolgji z polskjich stron mjisejanorz. Beł to svjėti Wojk.

Wona z czekavotė vjic jacha do Gduńska. Svjėti mjisejanorz provdac ję na pozdrzatk navroceł, bo postanovjeła wodmjana žėcigo. Ale le na krotko. Bo kjej nazodka varca na svjój zomk, dalij le mesla wo grzeszni ženbję. Kureszce sę stało, na co tak dulcza. Mja brac nego, na chternigo wod dovna mja szpos. Kjej na veselė zjachało vjele vastov a bojarzi kaszebskijch i rėszelė do slebu do zomkovi kaplecė, naroz straszlevi nastał szemot, że drzeva łomjeł, deszcz jak z vėborka loł. Kjej ksic mjoł pravje młodim vjazać ręce, nogle wuskavjica woslepja vszeternoskijch, a częzko zagrzėmjało, kjebe zomk sę valeł i pjoren gdzes trzas. Kjej vjeselnjice przėszełė do se, młodō vastnō na stapienjach vołtorza bez ducha leża. Tak zebrani robjilė, bė jak nochudzij ze strasnigo sę vėdostac zomku, chteren przekłėti, jesz nji nocė, mjoł zapadnac v jezornė zotore. A njegodzevō vastnō pokutuje v njim zomku do sagnigo dnja.

Kjej Vjolgō Njedzela przėpadnje v pelnję mjesaca, tej vjerę zvone v jastrovi renoszk, z jezornech zotorov kol Wostrovu, mają bęc częc. Njeszczescė dlo nego, chteren je wuczeje!

Kuńceł tatł...

Kuczka v svojejch meslach nijak sę nje vėstrzeg, że ju mjinął Woltovk a beł wokoma Wostrovu, na procem vjekovech z nji stronė gorė gromjstech bukov, co v zlotavech czepach wod pierszech parmjenji vschodajacigo słuńca zdale sę stolemami na starze tajemni Wostrova.

V njim rozzibałė sę zvone. Kuczka drgnał. Grėdzacė mesłė, letechnō dōka zavjitrznō wo cenechnim szalė jedvabjigo wovjinę dokoła jezorni brzegji, pomjilełė mesłė i zdroj reboka. Jakbe vev spjiku slechoł na rozvonjoni mjiłotno z daleka zvone, co zmjeszani ze spjevą ful chvalė dobetno szłė po jezornech gładach. V gorączce jakbe szturovoł czołnę na jidaci głose. V njimodze duńci skądka dochodają zaczął sę v kol to tę, to vev dregą vėkręcac czołnem drogę, vėslechojacę.

— Z Wostrovu jidze!

Z rozvjartimi stojacė woczama zasłėchani beł v zopodną stronę. — A mjesac kjebe przecigajaci blod coroz to barzij, słuńce ju vschodało za cemjisti gorama. Głos zvonov ze spjevą dochodoł to jasno, to zos przėdapjono...

— Czo! Wostrovi grają zvone! Jakže dobetno, a jako chvalebnō z njimi spjeval

Jak v spjiku szed Kuczka do przodku v czołnje, z vjosłę v levi ręcė, zazdrzałi v Wostrov.

— Tec dzis Vjolgō Njedzela! — przėszed szterk jasni mesłė.

— To vsovi na zmartvjichstanjė sę rozvonjilė zvone! — nadsłėchivoł.

— Ale dregji wokomę njich grają cedno zvone. Tec częję jesz jinszi zvone! — merō beł zasłėchani. A jak nen mjesac nad zopodną dzivno dzis pozerō!

Beł zos v svoji roboce.

— Wostrovu grają zvone! A spjeva... — a zvone szłė dalij a dalij.

— Czo! Zosku tak jasno!?

— Bože! — Toczoł sę na kuńc czołna z vėcignjėtimi rėkama, zazdrzałi na Wostrov. — Bože! Jednako provda, co njeboszczek tatł povjodoł!

— Zakłėti zvone grają słodnimi czosama! Cza-sama wodpojaci lubotni taczecnė! Bože! Jō nje strzímaję te!

Slechoł całim celskę sę vėchilajaci na zotor za czołn.

— Czo, jak zos jasno! — naddani przėłozeł pravą rękę do wucha, z levą vjosłę vėcignjętą.

— Procesejō jidze!... Jō muszę też... Chveceł za klek.

V njim czołn sę przekoliboł, Kuczka straceł vogę i toczajacė sę vėpod z czołna, całim cėzorę na głąbją.

— Jezu! — Dobjeg le rozdzerajaci przėdapjoni krzėk.

Na vodze wostało czołno, a bokę vjosło z plevjacą kleką...

Procesejō ve vjeskjim koscele vchoda pravje do koscoła, a zvone przėcechłė...

Po vjolgjim nobożeństvje jak mołnjō rozeszło po vsė, że Kuczka Franc je wutonjoni. Nad jezorę stojelė grepama zebrani ledze, vėzerajaci rėbokov, co ju jachelė nazodka. Kjej przedni do brzegu do-jachoł, Anton, pitelė dokoła.

— Jakže? A mają go?!

— Ale mają! Lezeł kol Wostrovu pravje na procem bukov, decht pod zotore,

— Jo, to ale dzivno! — kracelė głovama. Le stori Beteja, stojaci wokoma z ręką przė woczach, pod Wostrov zazdrzałi, rzėk tajemno ze smutkę:

— Njick jinszigo, leno Wostrovi jen vzėłē zvone...

K u ŋ c

---

## Co sę czetō ę czėje

---

Baro wosoblevo sę dzeje na svjece!

Czetomė v njemjeckjim cządnjiku „Katholisches Sonntagsblatt“ Nr 10 i 11 z 1937 r., dodovk do „Pomerelkji“ (Pommereller Tageblatt), artikjel wo najim Kaszebję belnim ę zacnim ks. dr K a z m j e r z u B j e s z k u. Długji, mocni artikjel po provdze

je czekavi — nje wo wumarłim, le wo ževim ě pro-  
vdzevim człovjeku. Nosi zevjiszcze „Kazimír Bieszk“,  
von dr F. Manthey. Pjisze tam ful rzeczi zacht  
zdumjećacech i molama pravje njevjarě godnech.  
Vortno je so dobrze przědrzec temu, co movji dr  
Manthey, novoźnjeszi pji-orz „dajcz-katolekov“ po-  
morskjich wo najim Kaszebj. Je dobetno dzevotě  
dło njego, że to je kśic na njarě evangeleji,  
że won pierszi cesnał novą dejě religijną  
do „burźujícígo katoleczmu“ pomorskjigo, że go  
kask przesladovelě czase... Jak won je ze stalani  
krěvji kaszebskji, tak jego deje są wod vzanjiku...  
Mě so pitomě: czemu to Njemce pierszi vskozivaja  
na belnech ledzi na Pomorźim?

#### »Slavia occidentalis«

V t. XIV na str. 245 czełomě: „... pojawiał się  
nawet separatyzm polityczny na Kaszubach...  
Ten niesłychany program, realizowany w „Zrzeszy  
Kaszubskiej“... Slavia occ. je cządnijkem nowu-  
kovjim, a vasta Rudnicki stoi na jego czele. Jkĵě  
v. Radnicki mō „nowukově” podstave, žebe dokozac  
separatizm „Zrzsze”? Choba nje to, że „Zrzesz“  
pjisze jězekě kaszebskjim. Jednak v. Rudnicki musi  
vjedzec, że wod pji a jō v movje wěczesti i wo-  
svjetlenjō dzejov vojov naszech do separatizmu  
politicznigo je baro vjolgji krok. A moze jesz do-  
czekomě sě nowukovigo dovodu naszigo separatizmu,  
bo dotąd go v. Rudnicki nje dokozoł.

#### Wo Gduńsk są bjotkji

To njick novigo i nje strasznigo. Ko to są  
bjotkji nje krěvavě, le na inkaust ě pjora. Leno  
czekavě, jak wostre są wostatnim czase i chto z kjim  
sě sztrideje! Hevo cządnjik „Morze“, organ Ligi  
M. i K., przěniosło v gromjicznjim cządku dva ar-  
tikle przedni na ten temat. Jeden z njich dokozivō,  
że Gduńsk je wodvjeczno polaszi przez historejě  
i won wopereje leno nobarźij zveskama molov ě ledz-  
tva. Nje baro to je przekonivajāco. Leno podpodō  
pomjeszanjě slovjańskji, pomorskji, polskji ě Kaszebs-  
skji. To nji mō njižodni apartnoscě dło njego. A  
te zevjiszcza, chterne przětoczō Wossitz, Gduńsk,  
Tczew, to nje jinně, le kaszebskjě. Njech le porovno  
Wosiec — Osiek; Gduńsk z Gdinna, gdova i i. Tczew  
— wutczevi — Polosze movjā „Czczev“. Same ze-  
vjiszcza jesz nje vjele znaczą wo przěnoleźnoscě.  
Barźij czekavi je artikjel wo Rauschningu. Tam je  
věkozaně, jak ta przěnoleźnosc Gduńska realnje  
vědrzi. Nen dovni prezident gduńskji, a z njim  
vjele Njemcov v Polsce podnoszaja, że gospodarczo  
ě kulturalnje Gduńsk musi provadzec sombetną  
politikě i vszetko jinně věchodō na szkodě Gduń-  
skovji. Je vjic ju trzecō politika gduńskō. Nje je  
tak barzeczko prosto z Gduńskě!

#### Przěchodnota Rěmji

Novjkszě mjasto kaszebskji mdze kjedes Rěmjō.  
Bo Gdinjō nje je kaszebskō, bo nomji tam je Ka-  
szebov. Nje długuszkō Rěmjō mdze mja 40 000  
ledztva.

Ju teru sě rechuja z tim, że wona mdze tak  
vjelgō, jak Gdinjō i choci nje mdze tak pozernō, to  
može běc lednjeszō, bo tańsō wod Gdinji. Zami-  
szlaja budovac v Rěmji, jak pjisze l. K. C. 8 III 37,  
vjelgji dvorc. A bana do Redě mō běc na trzě  
tore. Ju vnetka maja zaczić budovac vjalgji most  
na trzě linje nad rzekě „Zagorzankě“, jak chĉa na-  
zevac Stregě Zagorskā.

Mō tam jic linjō na lotniszcze rěmskji. I tej  
mdzeta moglě, Kaszebj, z novjkszigo mjasta kaszebs-  
skjigo przesadnac na fligra i wodlecec do cepli-  
szech stron...

#### HOKUS POKUS: „PŁE MŁEWJE PŁEZNAC GLE JE“

„Kłechany Gustku!

Piszesz w „Straże nad Wisłą“ (19 R. VI) i j.  
baro ładno. Le napisze też, w jaczi młewje wedzi-  
njeny to je. Cze po sebsku abě po połabsku?  
Zeli mie nie wierzysz, bje do wajigo łorganiste, co  
wszeszczy kszāżczy łumie na pamianc, t n ce płewie,  
że pě pělsku twoje pisani nie je, bo łon — łorga-  
nista — choc mo ful bibliotekě pělszczych kszāż-  
kōw ło krōlu Sobieszczym i Szwedach, a nawetk  
z łerzlem pělszczim, jednak taczigo łortu pisaniu  
w nižodni nie łetszukoł. Młěze łon płewie: Recte  
l quasti, loqua plum! Bo łen dłoch łumie pě  
łacenie!“

#### Zgodnjiszkjě

Cez nje robji trzosku, kjejde na zemjě podō ?  
Cenō.

Czemuż vkāsel Jadom v jabko ?  
Bo nji mĵoł noza.

Kjedeż krol stoi na jedni nodze ?  
Kjěj na konja skoko.

Jak długo żel Mojżeszov pjes ?  
Jaz won zdech.

Czemuż svĵeti Pavel napisoł leste do Korintijon ?  
Ze won nje běł v Korinće.

Chdzeż leži zajc noceplě ?  
V gronku na wognu.

Kjedeż verglorz je nomādrzejszi ?  
Kjěde trzimō pesk.

Thukjem Zrzesze Kaszebskji v Kartuzach.